



BOSNA I HERCEGOVINA
FEDERACIJA BiH
ZENIČKO-DOBOJSKI KANTON
GRAD ZENICA

Služba za ekologiju, komunalne i inspeksijske poslove

Broj:09-45-8761/20 H.B.
Zenica, 10.09.2020.godine

STRUČNA SLUŽBA GRADSKOG VIJEĆA

PREDMET: Izvještaj o poslovanju Javnog preduzeća „Zenicagas“ d.o.o. za 2019.godinu

Programom rada Gradskog vijeća Zenica za period 1.07. do 31.12.2020.godine predviđeno je razmatranje Izvještaja o poslovanju Javnog preduzeća „Zenicagas“.

Kao jedan od obrađivača materijala dajemo stav na isti kako slijedi:

Dostavljeni godišnji izvještaj o poslovanju ovog javnog preduzeća sadrži :

1. Izvještaj o poslovanju za 2019.godinu , sa iskazanim osvrtom na :

- podatke o preduzeću, organizacionu strukturu, djelokrug rada sektora, ljudske resurse i kvalifikacionu strukturu zaposlenih;
- finansijski izvještaj za 2019.godinu sa izvještajem ostvarenih prihoda i rashoda;
- prijedlog korištenja ostvarenog viška prihoda;
- izvještaj o radu direktora i
- ostale aktivnosti preduzeća,

2. Izvještaj o radu Nadzornog odbora,

3. Ocjena rada direktora i ocjena stanja u preduzeću,

4. Izvještaj nezavisnog revizora-Društvo za reviziju „RE-CONTROLLING“ d.o.o. Zenica.

5. Odluku Nadzornog odbora broj:01-679/20 od 29.05.2020.godine

Javno preduzeće „Zenicagas“ d.o.o. Zenica predstavlja novoformirano javno preduzeće. Za obavljanje djelatnosti za koju je Preduzeće osnovano još se stvaraju pretpostavke, te su se u tom smislu aktivnosti Preduzeća u 2019. godini odnosile na izradu opštih akata Preduzeća, stručno usavršavanje, reglisanje pitanja dodjele koncesije, nabavku usluga izrade projektne dokumentacije itd.

Pošto Preduzeće ne ostvaruje svoje prihode, sredstva za redovno poslovanje obezbjeđuju se u budžetu Grada Zenica. U 2019. godini iz Budžeta Grada, na ime finansiranja rada Preduzeća, izdvojena su sredstva u iznosu od 238.499,11 KM i to kako slijedi:

- Troškovi plata, naknada i ostalih primanja zaposlenih, računovodstvene usluge, obuka NO, električna energija, grijanje i dr. 173.025,91 KM
- Usluge izrade projektne dokumentacije 65.473,20 KM

Od sredstava u ukupnom iznosu od 238.499,11 KM, u 2019. godini utrošeno je 231.391,33 KM.

Utrošak preostalih sredstava planiran je za nabavku dijela materijala neophodnog za izgradnju gasovoda u ul. Bistua Nuova, te za nabavku goriva i plaćanje administrativnih taksi.

U ukupnim rashodima u 2019. godini najveći dio odnosio se na troškove plata i naknada zaposlenih.


Kako je navedeno u Revizorskom izvještaju, Javno preduzeće namjenski je koristilo primljena budžetska sredstva.


Kraj 2019. godine obilježio je početak izgradnje primarnog gasovoda u ul. Bistua Nuova. Grad Zenica je za potrebe izgradnje gasovoda na navedenoj dionici izvršio nabavku polietilenskih cijevi.

Napominjemo da su, u skladu sa datim uputstvima od strane ove Službe, svi navedeni materijali dostavljeni Stručnoj službi Gradskog vijeća u elektronskoj formi dana 25.08.2020.godine

S poštovanjem!

Pripremili:

1. Hadžiselimović Bernardica, 
stručna savjetnica za normativno-pravne poslove

2. Denis Kulenović, 
viši stručni saradnik za ekonomsko-analitičke, opće i
poslove planiranja

DOSTAVLJENO:

1 x naslovu

1 x u spis



POMOĆNICA GRADONAČELNIKA


Helvida Sabira, dipl.ing.građ.